

鶴臺先生遺稿

自三至四

~ 16  
650  
2



650



鶴臺先生遺稿卷之三

長門 龍長愷彌八著

門人 若太中伯禮校

五言絕句

客中新秋二首

城上銀河近。天南大火流。如何清夜色。猶似故園秋。  
不知秋色來。唯見庭梧落。一被西風吹。歸思滿伊洛。

子夜秋歌三首

秋風又何心。蕭蕭催搖落。不厭拂妾裳。唯思即衣薄。  
綠愁不能寐。月影上欄干。秋夜長如此。不及儂思歡。

鶴臺先生遺稿卷之三

不見北書到。唯聽南雁悲。已窮關塞目。何處寄相思。

大堤曲二首

白馬少年子。驕行踏落花。忽為春色惱。揚策向娼家。日暮娼家女。齊歌金縷衣。請聽曲中語。須惜少年時。

秋夜

天上悲鴻度。樓頭孤月高。嗟當此秋夕。無贈我綈袍。

秋夜憶高翼之二首

客舍長安陌。武昌何處樓。為憐今夜月。轉憶去年秋。三秋明月色。千里故人心。相思不能寐。起為遊子吟。

怨情

花時黃鶯兒。來呼借一枝。已作階前雪。但遣春風吹。

得平金次書却寄

誰道長安近。千山萬水深。唯是一片月。堪見故人心。

春夜吹笛憶雲洞上人

關山月明夜。思爾曲中吹。儻有梅花落。是我三弄時。

中備道中作

青青楊柳色。多少送行人。立馬長堤上。遙思故國春。

黃備公鼓琴石

昔日鼓琴處。如今苔色深。可憐巖下水。猶爾有清音。

福島別莊感舊

試訪昔游處。鳴鳩白日哀。落花春不管。風雨自東來。

桃花塢

一塢三春色。桃花照眼新。恠來迷出處。應有避秦人。

京師聞田子高東行到伏見走筆代簡

如知相逢難。須飲故人酒。西東千里行。可不一握手。

送子高之東都兼寄懷諸子二首

武昌何處是。舉目渺浮雲。如問客中苦。但言復送君。

相思不相見。傷心兩地春。如今送別後。君亦所思人。

松原棲鴉知足軒十景

棲鴉啼不休。明月掛林頭。所思誰家切。更添幾段愁。

西浦鳴雁同上

秋風西浦夕。群雁自相呼。遊子故鄉意。不知書有無。

山口邂逅田子高

雙龍定何物。相合鳴匣中。此夕斗間氣。誰論雌與雄。

漫成

解人能幾何。作者更無多。白雪名山色。唯堪使和歌。

塞下曲三首

射獵陰山下。秋高胡馬驕。雕弓明月似。一發落雙鷗。

獨登戍樓上。千里望平沙。日暮行人絕。朔風捲雪花。

半夜秋風起。蕭蕭胡馬鳴。更聞羌笛怨。壯士不堪情。

讀絃誦閣詩集

孤貧情不窮富貴語難工怪得大夫作還多林下風

殿水舟中作寄平安諸子二首

迴顧長安日浮雲天一涯應緣雙淚掩不為去舟移

遠水來暝色微茫指顧間雲端明月出應是洛東山

繁澤子同諸子見訪予流水園酒間笙笛遞作

予秦箏和之臨別口占一絕為贈

有客善吹笙主人和以箏嗟予流水調不及鳳凰鳴

關清水四首

出入過關者忽忽利與名溪流清似箇可一濯君纓

苦熱關山路可憐流水清一杯堪已渴不必問金莖

泠泠關下水幾照往來人遊子總無鑑恐驚憔悴新

關山乘月度飲馬石泉清忽顧水中影驕嘶不肯行

題畫

圮橋通一水雲樹隔孤村無限此中意相逢兩不言

東都仲秋無月和答佐藤子見贈時予有羸博

之悼三首

待月何處樓望鄉獨自愁併將悲子淚為雨度中秋

非是無明月應緣淚不乾那知搖落恨偏與秋雲寒

何處關山月誰家橫笛中唯聞笛裏恨不照思悲翁

子夜秋歌

寒衣欲寄即對月織流黃千尺機中縷不如儂思長

題畫

何人避世深結屋倚清陰唯是山間月應知霞外心

京師稻荷山十二景

三峯翠黛

三峯凝翠色螺黛刷新粧何代風流尹畫成若箇長

板川櫻花

石橋跨一水可以洗黃塵稍似武陵趣櫻花夾岸新

不涸流泉

逆水松杉際潺潺流不休還疑龍女潛時有夜珠浮

平原矮松

地勢連深草山平四望新可憐松樹子楚楚自無塵

孤巒返景

斜日沒西山餘霞散翠巒林川渾媚麗應接未知還

阪道驟雨

已著登山屐且尋幽勝新攀磴忽逢雨又墊林宗巾

劍巖蒼苔

巉巖龍劍似每見莓苔封自古遊山客神姁何恐逢

杉間青楓

幽谷多喬木。蒼蒼翠接空。獨愛新楓色。勝於霜葉紅。

栗谷急湍

奔流山下。水咽石更琤。然疑是高樓士。臨風撥四絃。

三角明月

清風濃露夜。平楚望尤閒。唯見一輪月。不看三角山。

新池水禽

池塘春草色。映水綠波浮。臨岸知魚樂。忘機見鳥遊。

童山白雪

京洛紅塵陌。化為白雪寒。共指童山色。正好捲簾看。

題畫二首

孤艇浮明月。岸傍古木深。似乘招隱興。無復去來心。  
蒼翠千霄合。壘峯聳日新。高樓在塵表。疑是避秦人。

七言絕

從軍行二首

海上黃雲紫。塞長關門落。月曉如霜。由來壯士輕離別。不解胡笳堪斷腸。

請纓西出玉門關。單騎橫行大漠間。誰道龍庭難可掃。長懸漢日照陰山。

秋日同山子一芥章賦得來字

夕日浮雲渺不開。長安秋色自西來。相逢共是悲搖。

鶴臺遺補 卷之三  
落賦就誰如屈宋才

又得悲字

陽春何物寫朱絲玉柱調來漫作悲此曲人間聽不  
得千秋獨有子期知

聞金華訃弔南郭先生二首

木葉蕭蕭赤水秋舊交屈指淚先流人間可惜彩毫  
色天上新題白玉樓

平生裘馬結交深共說中原二子心白雪無論難和  
者朱絃何處問知音

送芥川生之蟻馬山二首

一路風烟下攝州天涯鴻雁送君愁到時試見昆陽  
月影落猶如廣澤秋

武庫峰頭明月殘伊那野畔白雲寒莫愁搖落秋將  
盡楓葉千山待汝看

答吉公亮中秋見懷

洛浦雲飛雁影寒秋風獨自倚闌干歸心無限西山  
月枉作金城清夜看

遊仙曲

樓臺縹緲彩雲間道是方壺海上山金瑄玉笙春不  
斷紫霞盃暖駐紅顏



陽春曲

大海東南春色分。瑤臺今日曉氤氳。人間共見三花樹。照出蓬萊五彩雲。

中秋懷公亮

渭水秋風明月生。西山晴對鳳凰城。樓臺十萬齊歌吹。誰獨蕭條故國情。

寄答公亮二首

孤鴻遙落彩雲端。錦字翩翩子細看。唯有芙蓉新出水。映來初日掌中寒。

東方一路白雲孤。片月如鉤落太湖。元自秋風情更

切。知君轉憶松江鱸。秋府有松江

七夕作

湖北湖南鳥鵲稀。秋風當戶好霑衣。西山欲落天河影。萬樹如霜織月飛。

公子行

黃金結客客如雲。日日朱門車騎紛。白馬春驕錦袍色。翩翩不讓平原君。

贈周南先生二首

論交兄弟武昌間。日日絃歌取醉還。遙識酒中無限思。泫然回首赤城山。

春風懶倚望鄉臺。百二山河指掌開。不分白雲函嶺色。教君忽復客中哀。

難波客舍送人西歸

難波津口送君還。無限鄉愁携手間。故國僮逢相識問。史遷今已徧名山。

宇都山作

薜蘿攀上白雲隈。鳥道連天九折開。今日往還多少客。風流誰是在郎才。

上巨鼇山即清見寺

滄海之東鼇首山。登臨極目渺茫間。千秋無恙棲真

地。怪得徐生去不還。

義公房初謁雲洞師次韻為贈

雨後尋來惠遠居。翳然林水接匡廬。自從一謁彌天客。東漸更知終不虛。

東都送大淳師歸信州二首

明珠繫得故山歸。杖錫飄然天外飛。誰道烏騅關路險。白雲早已送僧衣。

歸去憐君興寄深。信中名勝日相尋。鴛湖水色兼天澗。一片贈來冰玉心。

過義公房初歡江州功子含山玄琳賦贈得看

招隱桂叢斜日寒。秋陰晴動散重欄。西來當座芙蓉色。還作豐城雙劍看。

又得林字

壯遊共說四方心。邂逅相逢祇樹林。知是湖邊風雨夜。雙飛應有作龍吟。

東武中秋作

碧落風高雁影寒。愁心明月倚欄干。奈何千里關山色。無似平安湖上看。

東都答山玄琳三首

東道山河刮目開。長門孤客此徘徊。倦遊唯有窮途哭。探勝終非載筆才。

五馬朝宗東武間。憐君陪從入函關。湖中携得琳琅色。休照秋風憔悴顏。

相遇誰憐范叔寒。悲哉秋色滿江干。歸心共是異鄉月。寂寞何堪獨夜看。

夜猿啼

吳山楚水迥添愁。一夜哀猿啼不休。直置三聲巴峽淚。併將明月落孤舟。

青樓曲分韻四首

朱箔高寒擁綺羅含情齊唱大堤歌烟花總是堪腸  
斷不識春光何處多

右歌字

凝粧秦女坐鳴琴玉柱調終春思深初信人間花解  
語能將一笑抵千金

右金字

日暮誰家蹋鞠歸少年意氣鬪輕肥細腰相妬大堤  
柳繫得驕驄不肯飛

右飛字

宴罷樓頭銀燭殘朦朧春月照欄干醉來夜暖鴛鴦

被寧識曉風簾外寒

右寒字

金華宅集賦平蕃曲得沙字

北掃胡塵意氣誇將軍萬馬絕平沙怪來天子開麟  
閣長使陰山歸漢家

至日同南郭先生高翼之過挹清亭

亭子登臨雲物新門前五柳絕車塵相逢只解酒中  
趣自是風流林下人

人日同藤子孝過挹清亭

亭邊樹色動春寒雪裏江山指掌看預憶烟花三月

興使人落日倚欄干

子孝宅集賦陌上贈美人得誰字

翠楊無限妬娥眉借問容華更爲誰一顧若論傾國色吳宮不必說西施

又得看字

大道紅塵春色闌名花含笑一枝寒人間未信有神女猶作襄王夢裡看

子孝寓居梅花分韻二首

二月園林一樹梅江南春色雨中開也知應動揚州興憐爾風流水部才

玉樹春寒霞彩分

暗香飛送坐氤氳新粧不獨壽陽色携得東嶠一朶雲

右雲字

蕭瑟梅花客舍東黃昏香動散春風不知誰作羅浮夢好取美人來月中

右風字

姬人怨服散二首

青雀雙飛帖碧紗仙郎且醉赤城霞天台山上春應好不管人間桃李花

夜深月上玉欄干。夢裡瑤臺春色闌。為問千秋姑射雪。古來能得幾人看。

春夜聞笛分韻得春字

橫笛誰家赤水濱。梅花楊柳曲中新。休吹千里關山月。征婦從來多怨春。

又得聲字

關山獨夜故園情。樓上春風玉笛聲。曲罷梅花何處落。空懸明月照江城。

芙蓉館和騰鵠師見贈

遲日相逢赤水東。玄言麈尾對春風。應憐江左多名

士。故見支公出剡中。

芙蓉館留別南郭先生

陪侍徒悲歲月過。即今別思不勝多。遙知洛下諸生

詠。何若江東爾汝歌。

同前留別板美仲兄弟

都門春酒對離筵。擊筑悲歌落日前。莫愛一雙明月色。照來五鳳五雲邊。

同前留別高翼之

別路相思一水遙。暮雲春樹對蕭條。更煩致訊君無誤。家在長安第幾橋。

同前留別雲洞師

遠遊避地倚祗林。方外論交意氣深。別後山中相憶處。因風為贈白雲心。  
余寓居綠山

同前送別山玄琳功子舍二首  
二子江人時余亦有西京行

萬里鄉山未得歸。送君還自向京畿。若逢湖上秋風起。為報鱸魚今已肥。

折柳歌殘酒未醒。回頭客路萬山青。風烟不必嘆離別。應復扁舟醉洞庭。

問高翼之病二首

憐君伏枕綠山隈。謝客柴門晝不開。問訊怪來甘寂

寞。千秋獨有子雲才。

論交白眼世情疎。日日蕭然擁草廬。非是病來能作賦。使人何更憶相如。

發竈門關

海門西接竈門關。萬頃烟波兩岸山。落日長風吹不斷。片帆直入渺茫間。

過妙上人房有詩見示和答

過訪偏憐禮數寬。玄言終日醉相看。上方一片藤蘿月。併與衣珠映掌寒。

答寄江彦倫見懷三首

鶴臺遺稿 卷之三 十四

西風搖落雁群呼。一望天涯明月孤。總爲秋來歸思切。遇人先說松江鱸。

一別長門未得回。秋風兩地各登台。淹留不解江南樂。賦就何堪庾信哀。

何來雙鯉錦江濱。尺素遙傳掌上新。莫怪秋風吹不到。高歌總是寫陽春。

彦倫宅集初歡。呆上人同賦得山字。

高齋秋色夜偏閑。明月開尊各醉顏。不是主人能理詠。林公只合在東山。

又得人字

濁酒玄言少世塵。更看三徑菊花新。無疑醉後多狂態。我亦風流林下人。

送別藤貞卿重遊東都二首

共指豐城紫氣長。翛然一夜動東方。遙知赤羽芙蓉館。水依舊照看龍劍光。

貞卿受業芙蓉館。館在赤羽橋西。

海內交遊有幾何。豈堪鴻鯉隔山河。憑君儻問索居恨。但說離歌苦調多。

答田壽倫見寄

一別河山渺作悲。天邊何處寄相思。登樓唯有三春色。猶似麻溪携手時。



春宮怨

深坐開簾對日斜。流鶯啼度上林霞。君王不識春風恨。帶笑常看解語花。

赴吉敷途中值雨戲作

秋風回首道遲遲。何處人間無別離。最是陽臺携手淚。為雲為雨滿天涯。

中秋無月和周南先生時先生為海北文子勒碑萬年山

搖落秋風雨色深。山中雲物對蕭森。一從明月沈滄海。惱殺人間多少心。

周南先生勒海北文子碑於萬年山賦贈

一代經綸推棟梁。千秋事業見文章。北來已有寒山石。總是驢鳴還不妨。

草居敬為海北文子寫碑賦贈

彩筆揮來掌上寒。墨池波動轉驚鸞。千秋獨有率更令。下馬徘徊子細看。

丙辰元日

門前柳色逼樽新。白眼偏憐踈世塵。何妨醉歌同調少。能令黃鳥解陽春。

過逍遙亭

薄宦翫人堪陸沈何如五柳杜門深到來不見黃塵  
色白水青山醉後心

龍門朝雲知足軒十景

潮落海門開曙暉重雲含日望依稀  
影直入長風破浪飛

大崎暮雨同上

秋色堪迷錦水橋千峰烟雨晚蕭蕭  
夢猶似陽臺恨未銷

題徹呆師山房

嶺上烟霞通一蹊祇林秋色望將迷  
上人終為愛山

切不使飛來白鶴棲

奉和海北君春雨作

南樓烟雨俯丹梯暮色山山望轉迷  
句池塘春草故萋萋

又奉和賞花作

園林二月爛桃花相對金尊醉紫霞  
老漫勞劉阮問仙家

又奉和春日作

臺下長江春水通桃花波暖接遙空  
賦共識登高才素雄

法音益洲上人見予早春過輪氏逍遙亭作和  
韻并叙介邑人某且示予知有上人始于此上  
人者親鸞之徒也蓋其徒近世比比嚮文學東  
門有若了願西門有若桃溪而今又見上人于  
此雖其文辭不脩飾風調不諧美而才氣工力  
要之與世之面牆文學道教外別傳者大有逕  
庭也其宗風日隆可以見也因賦此為贈且謝  
至意云

慧業憐君雅好文更看彩筆動烟雲妙音長說無生  
法天上人間到處聞

留別

倦遊幾載問鄉還匹馬朝來山上山莫道片心難可  
贈各天回首月如環

雪中同桂隱士遊萬年山席上賦呈密雲木上  
精舍高臨錦水西到來雨雪路將迷遠公此日興當  
孰何妨相携過虎溪

竹士俊見訪予海北賦此為謝  
落魄傳經海北濱蕭條客舍絕風塵如君才子更難  
遇莫怪逢迎倒屣人

輕薄篇

裘馬論交交日新相携意氣度紅塵人生幾許須行樂不待無花空惜春

冬藏携詩見訪作此為贈

依然狂態日銜盃賦就揮毫也快哉君自孔融堪屈指不須更問小兒才

丙辰歲杪偶成

鴛鴦俯首玉花驄為憶當年碣石官少壯誰知千里志空從櫪下起長風

酬長府滕生見贈

長府之城接赤間城頭大海海頭山遊觀不問章臺

柳睥睨先開文字關

故本府提學尚齋倉先生挽詞三首

曳裾從一入王門儒雅平生承主恩那識館中雕虎句為君空自擬招魂

大藩曾築招賢臺先見黃金寵郭隗燕馬一為過隙後人間誰問不群才

何事乘雲遊帝鄉荆山回首轉蒼茫夜來依舊平橋月還是懷中明壁光

倉先生有脚疾

過飲牛尾子亭

傲吏幽居錦水陰一吟招隱忽相尋把杯意氣共堪

見不比黃金交態深

早春答宗三

長卿何日向梁園客裡春風對一尊未識文君絃上曲先看岳父似王孫

讀徂徠先生集有感

大東名勝芙蓉峯突出青天望幾重自是芙蓉高白雪更將白雪照芙蓉

戊午新歲作

負郭春風四壁閑蕭條獨舉濁醪杯琴心何妨鳳凰曲即見凌雲作賦才

人日草堂小集送伯禮之石州

人日相逢送別離衡門柳色為君悲和歌總是陽春調遮莫梅花北地遲

絕句

人間何處不陽臺神女本然無去來雲雨自為朝暮色巫峯十二屹崔嵬

上太孺人壽

阿母手傳長命杯南山壽色對顏開未通閬苑仙桃信先捧瑤臺一朵梅

奉和海北君送別韻

東望周南海北山醉來乘雪下重關殊恩誰識深如  
許白日鄉園衣繡還

和阿川公子即席惠贈韻

朱門幾處馬車譁城裡行人白日斜中有風流林下  
士往還總向阿戎家

哭田子高三首

西望秋江曉月斜秋風結露滿平沙庭前無恙艾蕭  
色澤畔飄零蘭蕙花

同盟憶昔定交年相見高歌明月前縱使遺音餘白  
雪何堪流水絕朱絃

青眼論交杯酒前千秋意氣共相憐人間猶有名山  
草地下文章知幾篇

哭期山老禪師

浮雲搖落梵王城長夜誰堪對月明自是德音聞不  
得空教雙樹起秋聲

服先生有失明之艱賦弔

西河老去卜幽居高卧年年貧自如豈意掌中珠不  
返空教赤水映芙蓉

送冬藏東遊

海東探勝入函關赤水芙蓉獨照顏更有明珠高月

宿臺道和 卷之三  
色窟中抱得幾人還

人日小集得江字

一夜東風入錦江，梅花依舊照南窗。  
相逢莫道酒人似，豪氣春來猶未降。

同前太中有詩見要和卒爾步韻

諸子同銜人日杯，簾前黃鳥更相催。  
是緣春酒堪迎客，纔使玄關爲一開。

周南先生見惠拂子奉謝以酒

春風深鎖草玄關，塵尾清言對客閑。  
何如上國曳裾士，傲然避世酒杯間。

哭安部子良

夢斷西山落月昏，悲風何處不消魂。  
一從玉樹飄零後，空使秋光對淚痕。

官怨

佳麗三千都媚春，就中飛燕奉恩新。  
簾前唯有昭陽月，不照長門宮裡人。

芙蓉館呈席上諸彦

杯酒交情何限深，倚欄落日好披襟。  
論文不妨土音異，同調須憐白雪心。

贈道仙

鶴臺遺稿

卷之三

三三

何來遊子白河關。家住金華海上山。恠得風標還不  
俗。謫仙暫爾在人間。

謝芥應漢見惠華扇

招涼難得翠陰濃。落日紅塵暗九重。誰取峨眉天半  
雪。裁成掌上玉芙蓉。

再遊京歡神子一有詩見贈和答二首

郢中白雪調尤高。一寫朱絲悲獨操。莫道當年難和  
者。神交何恨不相遭。

青袍湖海氣猶豪。重破長風萬里濤。別來不墜千秋  
志。相對何須嘆二毛。

題石川丈山舊居

馬牛自一放山林。惱殺英雄奪斬心。誰識當年豺虎  
士。高蹤終與白雲深。

初歡無隱禪師賦贈

開士風標格外清。玄談玉麈更縱橫。試聞無孔笛中  
曲。總作威音那畔聲。師詩集名無孔笛

無隱禪師應本藩請住太寧寺賦賀

藩邦禪刹五山分。第一東廬今屬君。法雨知應沙界  
遍。杖頭卷起大慈雲。

蘭陵師携詩見訪和答



聞說虛舟泛太湖御風今又向香爐山中携得白雲色化作天花落草廬

題新竹為渤海氏太孺人壽

嫩翠千竿碧玉開濃陰散入萬年杯誰從王母通消息簾外時看青雀來

元日謁豐西君惠詩詩中有酒而實未露唇戲

奉和瑤韻以促酒

東閣祥雲迎日開乘春延納四方才此生無意金莖露願賜忘憂物一杯

贈說法僧

寶閣重重不可論空王說法出乾坤更知大會海雲衆總得如來解脫門

鶴臺先生遺稿卷之三終

鶴臺先生遺稿卷之四

長門 龍長愷彌八著

門人 若太中伯禮校

七言絕

前豐井上翁今年七十其子純峯師需詩以為

壽賦贈

誰奉還丹海上傳也知萊舞對開筵豐城已有真人  
在不怪天南紫氣懸

贈高歡上人赴任聖衆山

赤馬關前青海濶見君卓錫愛山深寧論一別難相

鶴亭遺稿 卷之四  
遇明月長懸兩地心

遊東廬山阻雨賦呈無隱禪師

命駕遙尋開士棲論心連日此相携今朝有意門前  
水不使淵明過虎溪

飲赤馬關佐甲氏觀瀾樓

百尺丹梯俯碧空登臨落日對春風十洲三嶋何難  
到身在烟樓蜃氣中

畫棟高臨赤水尋相逢諸子各披襟停杯目送千帆  
影直起長風萬里心

賀揚州師介坐於東廬山

一從香海泛虛舟百歲生涯任去留腰下緡錢何用  
問看君乘鶴上揚州

長安道

廣路三條連狹斜紅塵四合錦為霞共傳新下封侯  
詔冠蓋相望許史家

超外師舉瑞雲籍首賦贈

瑞雲映日涌浮圖雙座金蓮對苾芻不向崑山論片  
玉捧來龍女海中珠

七里灘

釣臺明月對清灘狂態何論文叔歡誰識羊裘關氣

象客星高犯紫微寒

送人遊奧州

都門春色動離顏。東望烟霞山上山。莫道前期爭日。月秋風先至白河關。

張州處士西河黎獻見惠山水圖云其所自寫

賦此為謝

彩毫削出玉芙蓉。疑翠堆青知幾重。寧恨此生無勝具。卧遊壁上飛來峰。

關清水三首

大隴關前澗水流。征人飲馬去悠悠。可知多少別離

淚。嗚咽還添長路愁。

涼塞牽來天馬群。驪黃隊隊月中分。隴頭從一飲流水。踏破關山幾片雲。

關門東望送君行。相顧誰堪離別情。溪水從來鳴玉似。今朝還作斷腸聲。

題畫蘭

何物移來九畹芳。參差花葉入看長。秋風每有飄零恨。故向牀頭悶國香。

題莊子夢蝶圖

飄然乘氣六虛遊。大壑深藏不繫舟。誰怪天池鱗羽

化且看蝴蝶作莊周

四月八日大寧無隱禪師七十初度賦賀

重現娑婆應化身三千光相照塵塵老來不問懸車禮猶為人天轉法輪

歸雁

一半高飛湘水濱聲聲帶別不勝春南來無問未歸怨明月孤舟愁殺人

小阿生見惠梅花為謝

南國梅花照早春一枝含露掌上新今宵應結羅浮夢明月窗前有美人

同翼之過山玄琳寓居

客舍朱門溝水傍春風相見對斜陽縱餘酒賦平臺興今日鄒枚不可當

聞歌分得空字

朱箔青樽明月中嬌歌一轉散春風不唯玉樹後庭色刺見行雲過碧空

早梅

南國容華照水新更憐香動散江濱誰知閬苑千秋雪飛作人間一朵春

殘菊

十月園林木葉黃。獨看籬菊傲清霜。可憐三徑荒餘色。能使陶家秋興長。

和雲朝師新歲偈

歲月人間無舊新。任他黃鳥報陽春。誰知三萬六千夢。覺後依然如是身。

贈衡州師

避暑逍遙祇樹林。談言不覺夕陽沈。何妨歧路分南北。目擊堪存莫逆心。

送別

憐君十載倦遊人。休暇歸來秋水濱。假使故園楊柳

好烟花無負錦江春。

青山子遊學于西都。三年卒業而歸賦。此為贈。懷得明珠來日邊。歛然聲價一時傳。人間縱有退雲響。何似和歌鳴九天。

雨後訪義公房得杯字

翰墨開筵且把杯。綠山蒼翠入窗來。子規啼送黃梅雨。突兀雲峯夕日頽。

梁松和尚講法華賦贈

醍醐上味本難求。獨見如來藏裡留。長者為憐窮子渴。提壺願注錦江流。

題二老望山圖

偶坐悠然泉石間，忘言終日對孱顏。此中應是有真意，不與孤雲飛鳥還。

題墨梅

幽姿元自比佳人，雅態還非脂粉倫。從一仙郎夢中遇，至今記取羅浮春。

題騎驢渡橋圖

野橋隔在茂林西，暮色蒼然望欲迷。知爾敲推吟正苦，據鞍不肯過前溪。

題安部氏別業藤花

架上藤花春色深，紫雲縹渺照池心。若非三洞真人過，會有雙龍波底沉。

題畫菊贈九松子

不可採兮不可餐，擘然花彩動毫端。牀頭長伴九松色，清操兼將處士寒。

贈 藤貞卿携令子見訪予于秋府時即君有疾賦

君家玉樹照階深，千里携來何限心。兩葉不同蕭艾色，莫將霜雪漫相侵。

悼無隱禪師

交態誰如方外濃，相思幾度得相逢。大千何處橫騎去，落月空懸獅子峯。  
師自像贊有橫乘獅子下閭浮語

邊城早秋

戍樓月落塞天長，羌笛胡笳總斷腸。那識長安瓜熟日，邊庭早已有飛霜。

贈梅天師擢瑞雲籍首

雲遊十載遠尋師，留錫東廬也幾時。恠得芳香携滿袖，一朝攀取桂林枝。

席上贈高山輝二首

崎陽作山輝清人

方丈之山大海東，聞君採藥駕長風。携來瑤果瓊漿

色能使仙人在飲中。  
山輝嘗漂流八丈音轉

萍水相逢瓊浦陰，交情偏與酒杯深。何論萬里隔溟

海，明月西東一片心。

留別諸子  
同上

把酒離筵度曲新，曲中別鶴淚沾巾。陽關三疊君休唱，赤馬東邊多故人。

崎陽德見翁壽詩

張宴高樓六月寒，更看玉樹映芝蘭。仙翁自識金銀氣，不問蓬瀛有大丹。

送加瀨子還總州



離別何人不黯然悲歌一曲酒杯前莫言鄉樹扶桑  
遠憶爾回頭日出邊

東都道中聞子規探得春字

書劍誰憐孤客身蕭蕭雙鬢苦風塵長亭未半函關  
路無奈子規啼送春

墨水納涼

明月扁舟隨海潮金龍山下暫停橈練光一道銀河  
似還怪身行烏鵲橋

送長嶺子歸仙臺

千騎東方攬轡還秋風無恙白河關五城到日為相

報今在金華第幾山

東都客舍送仲子路還鄉時予有失明之感悵

然賦此

搖落秋風慘客顏它鄉况復送君還山陽故舊如相  
問季子猶留羸博間

東都藩邸寄憶長井俊卿

朝宗無水不東來車騎如雲邸第開最是蘭臺多待  
從憐君獨有賦風才

初歡東叡大夫源子同遊飛鳥山途中口占贈

此

搖落楓林野色開。田家幽興入銜杯。風流不獨東山志。更見登高作賦才。

石州滕善卿見示寒梅詩。且求和云。是壺山老侯所作。侯雅尚遠邁。好學敦詩。兼妙書畫。大非世之貴富自奉。驕穉自養之類也。采誦其詩。想見其風采。為代奉和。

閩風之苑一枝梅。移得壺山洞外來。春色仙家長不老。何疑瓊蕊雪中開。

送悟山師還鄉得鄉字二首

浮雲流水兩相忘。沙界何鄉是故鄉。滄海不愁明月

盡眉間自有白毫光。

三千關路隔山陽。金錫凌雲還向鄉。梅柳人間春可好。何如天樹逆風香。

東都雨中春望得四支

高樓呼友對黃鸝。簾外春寒入酒卮。花柳千門多雨露。君恩不獨上林枝。

又得十灰

都門春色雨中來。縹緲烟雲望不開。十萬樓臺如蜃氣。還疑身已到蓬萊。

送佐貞齋歸松江

風雨關門此送君，三千長路驛亭分。鄉山無道杳難望，共指簸川八彩雲。

相逢上國官遊初，竟外論交情不踈。豈獨尊鱸動歸興，與君久厭武昌魚。

送人歸浪華得尤韻

難波維昔帝王州，襟帶長江大海流。何恨梅花零落盡，炊烟猶爾入登樓。

送僧歸浪華

百年踪跡託雲遊，金錫乘風暫不留。明月愁心誰寄得，伊人宛在荻蘆洲。

春宮曲得看字

蝶舞鶯歌春欲殘，君王醉倚玉欄干。任他御苑群芳歇，一朶名花掌上看。

豐山紀勝分賦月中望嶽

大嶽千秋雪未殘，月中指點倚欄干。霓裳仙子雲端立，擎出芙蓉一朶寒。

黃帝東都送石州，佐有裕還鄉時。予亦有遊京之志，望鄉臺上望鄉遙。一曲陽關魂欲銷，春雁歸時儻相憶，寄書洛水第三橋。

東都送別

七月關中暑未殘。青青柳色送征鞍。莫論炎海火山險。行對芙蓉白雪寒。

薩州玄珠林翁七十壽詩爲其孫玄長

黃帝神遊赤水間。微茫弱海崑崙山。明月沉光無所覓。獨見仙翁拾得還。

處士高樓唐渚頭。逍遙每日泛虛舟。人間大藥君家事。何必乘風問十洲。

東都至日紀子嚶鳴館集初歡南肥文學玉山秋翁時南肥新造學宮以翁爲祭酒其風化之隆名聲籍籍於海內云三首

藩府新聞興頽宮。間平聲譽一時雄。歌詩儻遇延陵聘。列國誰如表海風。

阿蘇寒火自鴻荒。永樂加封鎮一方。更有洞天群玉府。高華照出五雲光。

自古朱絃難子期。高山流水最堪悲。燕臺獨有黃金遇。千載風雲此一時。

訪五味子隱居戲賦官怨二首以感述其志云。青春選入內家叢。寵遇一時魁六宮。自古紅顏多薄命。不須紈扇恨秋風。

無限鶯花媚上林。西宮柳色鎖門深。玉階縱使悲春

草肯負當年辭輦心

壺外師擢萬年山板首賦此為贈

北海之魚名曰鯤圖南搏擊駭乾坤男兒變化應如

許一躍龍門未足論

和僧遍照歌

羅襪凌波絕細塵霓裳迴雪映朱唇清歌且過行雲

色無似高唐夢裡人

送關子德還雙松

倦遊憐子故鄉還握手金龍墨水間匹馬何須難跋

涉春風吹送白河關

送玄秀師還南總

進步竿頭知幾層江湖歷遍倚烏藤鏡臺自一傳衣

鉢共說天南有慧能

題劉阮遊天台圖

霞標千仞赤城山採藥何年終不還解道桃花流水

意仙家春恨在人間

雨中宕山亭集

縹緲孤亭倚宕山登臨對酒未須還都門烟霧渾如

海疑在閩風玄圃間

同賦青樓怨得情字

雙髻善如雲，墮馬輕樓頭。留客擁銀箏，君心須恨柳花。  
似莫道娼家總薄情。

送三鳴子入京 三鳴子好琵琶

琵琶之海水為絃，此曲古來誰得傳。君試勢多橋上鼓，賞音宜在妙音天。

東都送秋玉山還南肥玉山嘗見示遊富嶽記  
余受而卒業，爽然歎其遊之壯，而其文之奇焉。  
遂述而為詩以壯其行色云。

曾將不朽託名山，更發金函抽秘還。大麓重來回首望，迎君一笑好孱顏。

送芳賀子全還江州

歸去琵琶湖上船，興高銀鱸紫萼前。更將彩筆揮明月，何獨須磨赤石篇。

送入歸京

朝雲暮雨洛橋濱，歌舞樓頭色色新。滿目烟花君莫錯，功名須惜少年春。  
洛水東岸有朝雲閣，西岸有暮雨樓。

酬 小泉侯喜，余應其招賦國風二章，見示賦此奉

聞說招賢已築臺，定知名士四方來。風流兼有緇衣詠，寧獨黃金寵郭隗。

小泉侯見惠瓶花并鶴井酒曰庭花亦盛不欲  
獨自賞之是以分惠焉昔陶彭澤有籬菊而無  
酒白衣送酒其喜可知也余客居陋巷窗外無  
立錐之地不獨瓢飲屢空雖一莖草亦不可得  
見焉而今牀頭俄有紅桃白櫻茶蘼新楓種種  
奇賞又有美酒滿壺對花獨酌一醉陶然以為  
都人士遊東叡飛鳥諸名區錦綺步障行厨八  
珍靡曼爽目滄哇爽耳之樂何以如之所謂貪  
兒暴富豈非大惠乎且侯風流雅賞於是可見  
也醉餘漫述所懷奉酬至意云

鶴井傾來酒已香茶蘼桃李也添光人生但使花前  
醉何問他鄉與故鄉

平景瑞臨川樓小集分韻得車字主人善書

誰論長缺出無車且喜相逢食有魚不獨風流耽酒

賦彩毫偏擬二王書

又得賢字席上初歡上毛高子啓上毛多胡郡有古碑景瑞與子啓相謀揭刻以傳

云于世

高卧東郊稱汝賢上毛隱士共相憐誰圖一片寒山  
石自是長憑二子傳

題畫

壘嶂層巒翠欲流。金仙樓閣隔雲幽。杖藜散步平湖  
月。我亦將尋范蠡舟。

妻籠驛亭見秋玉山和水軒詩和韻應主人需  
久卜幽棲倚碧山。枕流漱石好消閑。忽忽旅客尋難  
得人在清嵐翠靄間。

浪華蕙葭堂主人託江田子需予詩賦此遙寄  
風流賣酒似相如。又說高蹤寄釣漁。明月扁舟誰得  
問蕙葭深處有幽居。

浪華題南肥萱子卧遊亭  
水亭突兀枕江雄。暇日開簾好御風。山嶽如波西北

起羨君高卧在其中

大原翁詩以見招走筆和答

蹭蹬久甘車馬空。賦成招隱小山叢。高談千古堪傲  
睨。喫茗含杯相對雄。

既望長井氏集同賦庭上月

何處樓臺不夜遊。主人詩酒獨風流。停杯共待唐山  
月。已是瑤花玉樹秋。

中秋無月集赤川子

鱸膾尊羹美酒香。主賓情興醉中長。東樓不怪月明  
盡。彩筆吾曹獨擅光。



同前中夜雨歇月色如洗

高秋雨色散江城樓上西風送雁聲幾處絃歌羅綺  
月何如我輩酒杯清

赤馬關賓館呈南秋月韓客姓名詳見七言律部

共知學士早登瀛詩賦無將經術明辭命今來誰潤  
色寧冷東里獨專名

同前重呈秋月前韻

銀漢練光通大瀛浮槎萬里遡空明携歸不獨支機  
石笑殺徒傳博望名

同前呈成龍淵

仙槎九月發三韓赤馬到來飛雪寒採藥何論勞跋  
涉海東更問大還丹

同前重呈龍淵前韻

誰論帶水隔桑韓隣好千秋盟不寒無怪詞臣有仙  
骨携來五葉人參丹

同前呈元玄川

樓船破浪駕長風鱈浦藍洲指顧中更向東方迎日  
出扶桑若木不難窮

同前重呈玄川前韻

逢迎倒屣接仙風鶴駕暫留蕭寺中明日翻飛霄漢

外清塵濁水恨難窮

歲暮聞金退石卧病舟中為贈七言律

卧枕藍洲赤馬間恨令我輩隔仙顏更憐今夜迎春

夢懸在城頭三角山漢城鎮山

贈秋月東行二首七言律

迎賓候館幸追陪音吐雖殊青眼開恠得清香携滿

座曾攀丹桂一枝來

漢城詞客此相陪豈意青雲暫爾開無惜關門留片語久知紫氣自西來

贈龍淵東行三首七言律

東道河山封建開郊迎館待使軺來風謠列國何難

辨客自延陵季子才

相逢萍水暫相歡賦雪新詩彩筆寒座客風標何所

似映階玉樹與芝蘭

上國詞臣新結歡羽儀風采照人寒何論天塹限南

北筆語相酬臭似蘭

贈玄川東行三首七言律

風濤冒險向東隅共說賢勞堪使乎相見寧論鮫室

淚諸君咳唾總為珠

漢家太史遠遊還述作長傳天地間况復舟車窮海

外新篇寧獨副名山

此去東行幾日還春風吹送驛亭間  
輕車無誤函關路直指芙蓉天外山

送秋月歸朝鮮

關山五月子規飛祗樹林中送客衣  
惜別暫時將握手聲聲還報不如歸

送龍淵歸朝鮮

仙使浮槎歸故鄉海門分手遠相望  
乘風帆影去何處積水長天共渺茫

送玄川歸朝鮮

紫海層波隔帶方片帆遙入彩雲長  
天涯落月腸堪斷相憶回頭日出光

送退石歸朝鮮

人生離別最堪悲何事新歡淡素絲  
縱使黃河清有日與君相遇更無期

東都道中宿桑名訪南宮子暢飲盡歡  
明日舟行早發舟中漫作

積翠樓頭避世塵客中問訊結歡新  
誰知豪飲雄談士也作孤蓬漂泊身

暮春雨中小泉侯明霞園賞花霽後  
迎月花下

飲

名園花樹雨中開。雨歇風收月也來。花下千春長若箇。從君共醉夜光杯。

客夜聞子規

孤館愁眠燈影微。曉雲深處子規飛。一聲啼落西窗月。夢裡關山何得歸。

同賦秋月添光應命

碧落秋高雁影長。樓臺夜色總相望。大藩君澤深如露。天上新添明月光。

同賦山家人稀應命

斷續猿聲送落暉。桂叢深處鶴空飛。明時屢下求賢詔。可見林丘遺逸稀。

鶉野懷古

在豐前州。良懷親王舊跡。

帝子當年降海西。勤王不遂寄幽棲。玉鑾歌舞今安在。舊苑唯聞寒鳥啼。

暮春雨中小泉侯宴陪飯田侯同子綽子迪二

子賦得家字

兩君清讌對殘花。陪座披襟醉紫霞。風雨寧論春色老。流芳長在愛賢家。

中津侯所作墨竹骨格勁爽氣韻清逸一洗汚

俗超然塵表通魏携來見賜喜文房新得一尚  
友賦此奉謝且寓祝延之意云

灑落風標動筆端拂雲撐月碧琅玕使君應有淇園  
頌想見容光圭錫寒

浪華贈紀卓庵

西去山陽驛路長難波津口艤帆檣從君棲止何須  
問蘆荻洲邊水一方

送井仲龍之東備

匹馬單槍山上山壯年意氣度函關還知遊子畏途  
恨定在羽衣三石間

同賦早涼知秋應命

琪樹西風涼氣浮湘簾高捲月如鈎誰知吳水思鱸  
夕還是漢宮題扇秋

謝山縣左內見惠養老酒云是養老瀑水所釀  
錦字遙傳自洛陽故人相憶意何長誰圖瀑水三千  
尺瀉作盃中琥珀光

遙賀長崎德見翁七十初度

憶昔蟠桃會阿翁又聞覽揆壽筵同初知三語華封  
祝總在人間陰德中

九日山類介見惠酒為謝

遊子悲秋華髮寒誰憐老去未辭官多君遠惠重陽  
酒客裡黃花醉裡看

遊江島

寒裳濡足海門東登眺還疑忽御風乘興將歌黃竹  
曲賞心總在妙音宮

松丘子好聯歌近聞遊學京師賦此遙寄

自一浮橋相唱酬蛙鳴蟬噪競風流試聞別有鈞天  
樂遺響猶傳在帝州

題美人梳頭圖

海棠睡起綻風時楚岫行雲欲上枝不識何人分鏡

面為君畫出遠山眉

春日陪宴米澤侯同賦得文韻

東閣春風梅柳分酒酣詩就日將曛欲知上國文章  
美試見毫端五色雲

來章閣席上奉和駿州滕公惠賜瑤韻

潭府招賢盛宴開彩霞翠柳對銜杯莫言摘藻春華  
似誰若登高作賦才

雨中小泉侯明霞園賞花

枝枝如雪綻輕風開落繽紛細雨中粉黛三千新出  
浴春光偏在驪山宮

山縣子見贈國風一首云近從摺紳家學焉賦  
此却寄

幾歲離群滯兩京各天雲樹不堪情鶯歌侑酒來何  
處恠得遙傳上苑聲

墨水納涼舟中意三子彈箏

乘涼士女鬱如雲映浪輕羅兩岸分吾黨朱絃原別  
調隣舟不管有文君

同前次韻島士紹

避暑樓船隊分絃歌聲湧遏行雲朶間濮上寧堪  
聽流水高山獨屬君

送彙科松伯輿病歸羽州二首

青袍老去滯關東客裡相憐伏枕同歸日知君多起  
色大丹傳在羽人宮

人生離合本難窮境外論交萍水同別後天涯回首  
處秋風塞外有賓鴻

一夜松

何來松樹鬱蒼蒼龍影千條一夜長寧羨秦封車駕  
駐傳將遺愛比甘棠

飛梅

花心欲託主人傍萬里凌空向紫陽不獨清標潔水

雪枝枝猶帶御衣香。

送北圃仲溫還南紀

秋風吹起墨川濱。忽憶尊鱸南國新。莫向熊峯求大藥。當年徐福不還秦。

木蓬萊自勝山歸見訪余寓居喜而賦此

扶桑東去問三山。仙駕遙從海上還。携得蓬萊雲五色。故將藻思動人間。

送本城子猛歸德山

漢代猶傳有子長。名山造化託文章。沅湘禹穴已遊遍。歸日須探二酉藏。

題畫

不學陶家漉酒貧。又非有道避風塵。醉來遊步柳花巷。斜著輕紗折角巾。

壽詩

高堂萊舞對開筵。一笑稱觴鶴髮仙。不獨南山添壽色。剩看蘭玉列階前。

再和秋東湖却寄

一別東關已隔年。臨風相憶酒盃前。平湖八月鱸魚美。遙羨時浮張翰船。

壽東湖五十初度



靈椿山色對軒高，松竹歌成入彩毫。更見階庭蘭玉秀，寧論閬苑醉仙桃。

送宓甘子歸東備

東遊幾載問奇還，玄草未成猶擁關。羨爾府中休暇日，絃歌多在泮林間。

題蘆雁圖

蒹葭深處露為霜，落雁呼群知幾行。似愛瀟湘秋水澗，南來不敢度衡陽。

東渡上人見惠詩，且其與韓客唱和一編賦。此答謝

海外迎賓初出山，遠公風韻共開顏。朝鮮不識空王法，唯說爭雄翰墨間。

送松崎君脩歸丹州二首

天階如黛接蒼茫，鬼窟聳雲山勢長。探勝知君揮彩筆，寧令閨秀獨流芳。

羨君衣繡故鄉還，曾滯青龍白虎間。載酒試看紅葉色，秋光偏在小倉山。

中秋無月小泉侯見賜盤菽壺酒賦此奉謝

樓上飛鴻錦札來，銀盤照出夜光杯。關山不問月無有，秋思先和一醉開。

侯邸有飛鴻樓

東都送秋里子還鄉

天涯春盡送君還，花落鳥啼傷別顏。  
函嶺明朝回首望，白雲鎖斷彩霞關。

東都寄憶山縣子在西京

絃歌無恙武昌樓，依舊銜杯墨水流。  
洛北梅花能醉客，不知行樂共誰酬。  
墨水東都酒名，梅花酒在西京北野。

題垂釣圖

日日依然坐水濱，一竿明月謝風塵。  
可知妹入非熊上，肯屈中原逐鹿人。

餐霞亭留別

餐霞亭上對雄風，惜別論文盃酒中。  
三疊四聲且聽取，故人多是在關東。

還鄉道經岐岨福島山村公子使使者於驛道

致問慰且賜土宜，明日往拜賦此奉贈。

使命遙來驛道前，併將佳惠懇相傳。  
寔知門下多奇士，好客誰如公子賢。

信州道中邂逅石子幹賦贈

宦學歸來故舊疎，相思兩地託鴻書。  
男兒寧墜千秋志，何必山中恨索居。

送芙蓉師登大峯

海門秋色送仙蹤東去大和雲幾重明月斷鴻回首處知君已在釋迦峯

中秋同崎陽德見子赤馬原子大隱齋賞月南軒夜色共飛觴塵外幽棲秋興長萍水相逢但須醉千江明月總同光

荆大夫今年七十奉特命為東都國邸留後東行有日謹賦一章奉賀其皇覽兼壯其行色云總聽謳歌樂太平剩看國老助休明盛筵最祝懸車日方啓東都萬里行

張州祥鳳師見訪賦以為贈師是東廬無隱和尚法孫云

老來伏枕荻江西喜君飛錫叩幽棲今日遇君共話舊憶與隱公度虎溪病中走筆



